



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 124, datë 20.10.2023

PËR
AKREDITIMIN PERIODIK TË PROGRAMIT TË STUDIMIT TË CIKLIT TË DYTË
MASTER I SHKENCAVE NË “ADMINISTRIM BIZNESI”, TË KOLEGJIT
UNIVERSITAR “INSTITUTI KANADEZ I TEKNOLOGJISË”

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 20.10.2023, në kuadër të vendimmarrjes për akreditimin periodik të programit të studimit të ciklit të dytë, Master i Shkencave në “**Administrim Biznesi**”, me të dhënat si më poshtë:

- a) Emërtimi i programit: Master i Shkencave në “**Administrim Biznesi**”
- b) Cikli i studimit: Cikli i dytë
- c) Akti zyrtar i hapjes/licensimit: Urdhër i Ministrit të Arsimit dhe Shkencës nr. 487, datë 18.10.2012
- d) Akreditimi i parë: Urdhër i Ministrit të Arsimit dhe Sportit nr. 142, datë 25.03.2016
- e) Institucioni që e ofron: Kolegji Universitar “Instituti Kanadez i Teknologjisë”
- f) Njësia bazë përgjegjëse: Departamenti i Administrim Biznesit
- g) Kohëzgjatja (Vite/semestra): 2 vite / 4 semestra
- h) Kredite (ECTS): 120 kredite
- i) Forma e studimit: Me kohë të plotë
- j) Gjuha e mësimdhënies: Anglisht
- k) Statusi i diplomës: ofrohet vetëm nga Kolegji Universitar “Instituti Kanadez i Teknologjisë”
- l) Niveli i diplomës në kuadrin e Kornizës Shqiptare të Kualifikimeve: Niveli 7

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimit gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuara e verifikuara përmes dokumentacionit dhe vizitës në institucion;
- e. Rezultati i akreditimit të parë të këtij programi ka qënë pozitiv, pa rekomandime;
- f. Rezultati i vlerësimit në lidhje me shkallën e plotësisë të *“Standardeve për sigurimin e cilësisë për programet e studimeve të ciklit të dytë “Master i Shkencave”* dhe cilësinë e ofertës akademike të programit të studimit, është **“i përmbush kryesisht standardet”**, me mangësitë si më poshtë:

1. Mungesa në kurrikulën e këtij programi studimi e një lënde bazë e kategorisë A, e domosdoshme për përgatitjen metodologjike të studentëve të këtij programi studimi.
2. Mungesa e botimeve shkencore në revista prestigjioze ndërkombëtare të indeksuara në databazat Scopus apo Web of Science, të personelit akademik të angazhuar në këtë program studimi, të cilët janë kandidatë për fitimin e gradave shkencore apo titujve akademik.
3. Mungesa e një mekanizmi anti-plagjiaturë për të evituar plagjiaturën dhe mbrojtur pronësinë intelektuale.
4. Mungesa e një analize për planifikimin financiar e për ndërhyrjet e posaçme apo diversifikimin e financimit të programit të studimit, për të garantuar ecurinë dhe mbarëvajtjen normale të tij.
5. Mungesa e dokumentacionit për analizimin dhe vlerësimin e metodave të reja në mësimdhënie, në kuadër të këtij programi studimi.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin përfundimtar **POZITIV** për programin e studimit Master i Shkencave në “Administrim Biznesi”, të Kolegjit Universitar “Instituti Kanadez i Teknologjisë”.
2. Akreditimin e programit të studimit me kohëzgjatjen prej 4 (katër) vite.
3. Afati përfundimtar i vlefshmërisë së akreditimit të programit të studimit është **19.10.2027**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ



Kryetare

ALEXANDER KOHLER




Anëtar

AYŞEN SAVAŞ SARGIN



Anëtar

TOMASZ JELENSKI



Anëtar

IRAJ HASHI



Anëtar

MAURICE OUDEJANS

Anëtar

LEA YPI


Anëtar

KITA SALLABANDA DIAZ



Anëtar

DARINKA PIQANI



Anëtar

DRITAN NAÇE



Anëtar

INDRIT HOXHA



Anëtar

Shënim: Z. Maurice Oudejans dhe Znj. Lea Ypi, nuk morën pjesë në këtë mbledhje.

Shtojca

Rekomandimet në zbatim të vendimit të Bordit të Akreditimit Nr. 124, datë 20.10.2023, “Për akreditimin periodik të programit të studimit Master i Shkencave në “**Administrim Biznesi**”, të **Kolegjit Universitar “Instituti Kanadez i Teknologjisë”**, janë si vijon:

1. Institucioni, të rishikojë kurrikulën e këtij programi studimi, në mënyrë që studentëve t`iu ofrohen njohuri për metodat e kërkimit përmes një lënde të kategorisë A.
2. Institucioni të ndërmarrë mekanizma nxitës për personelin akademik të angazhuar në këtë program studimi, për të botuar artikuj shkencorë në revista prestigjioze ndërkombëtare të indeksuara në databazat Scopus apo Web of Science, botime të cilat janë një domosdoshmëri për fitimin e gradave dhe titujve akademikë.
3. Institucioni, të mundësojë një mekanizëm anti-plagjiaturë për të evituar plagjiaturën dhe mbrojtur pronësinë intelektuale, në funksion të këtij programi studimi.
4. Institucioni, të përcaktojë njësinë përgjegjëse për plotësimin e analizave për planifikim financiar lidhur me sigurimin e financimit të nevojshëm për të paktën një cikël të plotë studimi, në funksion të këtij programi studimi.
5. Institucioni, të marrë masa për dokumentimin dhe analizimin e metodave të reja të përdorura në mësimdhënie, në kuadër të këtij programi studimi.
6. Institucioni, të marrë masa që informacionet në faqen e internetit të publikohen edhe në gjuhën shqipe.

Në përmbushje të rekomandimeve të mësipërme, **Kolegjit Universitar “Instituti Kanadez i Teknologjisë”**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

